



ЛЕНИНЭНЬ КИЯВА

1941 ие
А П Р Е Л Е Н Ъ
4-це чи
37 (1333) №

ЛИСИ: 11-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнь газетаст

РСФСР-нь Верховной Советэнь 1-це созывень IV-це сессиясь

Апрелень 1-це чистэ чокшне, 6 чассто Кремлясо панжовсь РСФСР-нь Верховной Советэнь 1-це созывень Ниле сессиясь.

Кувать молиция аплодисментэсэ вастозь, председателень столенть эхсэ появась РСФСР-нь Верховной Советэнь Председателесь Жданов депутатось, Председателень заместительтне Тынчеров ды Макарова депутатэ, ложатнесэ жо — партиянь ды правительствань руководителне, РСФСР-нь Верховной Советэнь Президиумонь члентнэ, РСФСР-нь Народной Комиссартнэ.

Ниле сессиянь панжизе РСФСР-нь Верховной Советэнь Председателесь Жданов депутатось. Верховной Советэсь ве мельсэ прими истамо чинь порядок:

1. 1941 иентень РСФСР-нь Государственной бюджетэнь кемекстамось.

2. РСФСР-нь Верховной Советэнь Президиумонь Указтнэ кемекстамось, кона Указтнэ примазь Колмоце ды Ниле сессиятнэнь ютксо шкастонть ды подлежат РСФСР-нь Верховной Советэнь кемекстамос.

Чинь порядоконь васенце пунктонтъ коряс сессиясонть доклад марто выступил РСФСР-нь Финанстнэнь Народной Комиссарось Посконов ялгась. Сон тешктызе, што 1941 иентень РСФСР-нь Государственной бюджетэсь нейти Российской Федерациянь хозяйственной ды культурной седе тов касоманзо. Государственной бюджетэсь максови сессиятнэ кемекстамос доходтнэнь коряс 24 миллиард 988 миллион целковоень суммасо ды расходтнэнь коряс — 24 миллиард 978 миллион целковоень суммасо. 1941 иентень РСФСР-нь Государственной бюджетэсь пек седе кастови местной хозяйства эйстэ доходтнэнь объемось.

Народной хозяйстванть финансированьясь ды социально-культурной мероприятиянес 1941 иентэнь поддавить 87,9 процент Государственной бюджетэнь весе средстватнэнь эйстэ. Просвещениянь нуждатнес тешкстневи ютавтомс 9,4 миллиард целковой, здравоохранениянь нуждатнес 5,5 миллиард целковойде ламо.

РСФСР-нь Верховной Советэнь Бюджетной комиссиянь содоклад марто сессиясонть выступил Власов депутатось.

Комиссиясь ванннэе бюджетэнь доходтнэнь ды расходтнэнь ды лови, што сын теезь республикань народной хозяйствань развитиянь планонтъ марто полной соответствиясо. Бюджетной комиссиясь макссь сессиятнэнь ванномас предложения 1941 иентень бюджетэнь, конань примизе РСФСР-нь Совнаркомсь, кой-кодат витевктнэнь марто кемекстамодонтъ.

Бюджетной Комиссиянь содокладонтъ мейле РСФСР-нь Верховной Советэнь Ниле сессиянь васенце заседаниясь придовсь.

Апрелень 2-це чистэ Кремлясо яла мольсь РСФСР-нь Верховной Советэнь 1-це созывень IV-це Сессиянь роботазо. Валскенъ ды чокшнень заседаниятнесэ мольсть преният 1941 иентень Государственной бюджетэнь РСФСР-нь Финанстнэнь Народной Комиссаронтъ Посконов ялганть докладонзо коряс.

Староторжский депутатось пачтась, што Калининской областканть ютазь иенть коряс аняк областной подчинениянь хозяйственной учреждениятнева управленческой расходтнэ ды штатнэнь содержаниясь расходтнэ киртазь 26,3 процентс. Яла теке тень коряс роботазь вавос еще апаж придо.

Московской областень бюджетэнь анализировазь, Васильев депутатось невтсь, што меельсэ ниле иентень перть

областэнь эсензэ доходонзо бюджетэсь кассть кавто пель марто раз. 1941 иентэнь Московской областэнь промышленностесь максы бюджетэнтень колмо раздо седе ламо, чем колмоце пятилетканть ушодовомсто.

Сомов депутатось ёвтнес Чувашской АССР-нь бюджетэстэ цифрат, конат невтить социально-культурной строительства ассигнованиятнэнь пек касоманть.

Местной бюджетэнь касомадост кортасть Жильцов депутатось. Ленинградской областэнь бюджетэсь, примеркс, 1932 иенть коряс касы те иентэнь ниле раз.

Мордовской АССР-нь хозяйствань ды культурань областэсь покш лиякстоматнеде кортась Куприянов депутатось. Колмоце пятилеткань аняк колмо иентень перть Мордовиянь промышленной, велень хозяйствань ды социально-бытовой строительства пүтозь 108,5 миллион целковой. 1941 иентэнь должны совамс эксплуатациясь местной промышленности ды кустарно-промысловой кооперациянь 134 од предприятия.

РСФСР-нь Местной топливной промышленности Народной Комиссарось Баусин ялгась кортась задачанть топавтомадо, конань аравтызе партиянь XVIII-сьездэсь — создать местной угольянь добываюнь од базат ды сынет развитиянь лангс ванозь ютавтомс местной промышленности предприятиянь, коммунальной предприятиянь, школатнэнь, больницатнэнь ды учреждениятнэнь васолдо уксевику уштомаленть эйстэ местноентень.

РСФСР-нь Рыбной промышленности Наркомось Сбродов ялгась эсь выступлениясь тешкстынзе Наркоматонть роботасонзо существеной асатыктнэнь, трестнэнь ды предприятиятнэнь лангсо руководствань канцеляреко-бюрократической методтнэнь. Наркоматось еще лавшомсто организови калонь кундсиця колхозтнэнь роботаст.

Апрелень 2-це чистэ Сессиянь заседаниятнесэ выступили истяжо Кавалеров, Соболев, Ветошкин, Журавлев, Новиков, Кузнецов, Третьяков, Чернокозов, Баранов, Динмухаметов, Гекман депутатэ, Ивановской облсоветэнь исполкомонь председателесь Пелевин ялгась. (ТАСС).



Саранск ошонь педагогической училищань 3-це классонь тонавтицянь-допризывникень группа, конатнэнь улить ниле-ниле оборонной значокост. Керш ёндо витев (васенце рядсонть): Начаркин, Нофтин, Смолькин, Данышин, (омбоце рядсонть): Филимонов, Березин, Панюшкин, (колмоце рядсонть): Макаров ды Явкин.

Фотось Б. Козловонь.

Листяно предмайской социалистической соревнованиясь!

Котонинной фабрикань рабочейтнэнь, работницатнэнь ды инженерно-технической работниктнэнь обращениясь

Саранск ошонь котонинной фабрикань рабочейтне, работницатне ды инженерно-технической работниктне тейть обращения Мордовской АССР-нь промышленной предприятиянь весе рабочейтнэнь, работницатнэнь, инженертнэнь, техниктнэнь ды служащейтнэнь, конаньсэ тердить включиться социалистической соревнованьясь, штобу производственной од изнявкесо вастомс пролетарской праздникентъ — Маень 1-це чинть, шкадо икеле придомс омбоце кварталонь планонтъ.

Обращениясонть тешкстазь сеть изнявкстнэ, конатне меельсэ шкастонть теезь котонинной фабрикасонть. «ВКП(б)-нь XVIII-це Всесоюзной конференциянь решениятнесэ воодушевленнойкс улезь, Саранскоень котонинной фабрикань коллективесь васенце кварталонь планонтъ топавтызе шкадо икеле — мартонь 25-це чинтень», — мерз обращениясонть.

Седе тов обращениясонть тешкстазь конкретной обязательстватне, конатнэнь эсь лангзост саизь котонинной фабрикань рабочейтне, работницатне ды инженерно-технической работниктне: 1) Котонинной производстванть коряс апрельской планонтъ придомс апрелень 29-це чинтень, омбоце кварталонь планонтъ июнень 22-це чинтень; 2) Маень 1-це чинтень обеспечить весе рабочейтнэнь сдельщиктнэнь ёндо выработкань норматнэнь топавтоманть. Теде башка саезь обязательстват экономиянь коряс, продукциянь себестоимостенть алкагавтоманзо коряс, ваньксчинть ды порядоконь аравтоманть коряс ды лият.

Котонинной фабрикань коллективесь терди борожома сень кис, штобу Мордовской АССР-нь промышленностэсь аволь уле вейкеяк кадовиця предприятия, цех, бригада ды рабочей.

МИНЕК РЕСПУБЛИКАНТЬ КЕЛЕС

Эйкакшонь библиотека

Кенде велень начальной школасонть панжовсь эйкакшонь библиотека. Эйсэнзэ весемезэ 820 книга. Сынет ютксо улить эйкакштнэнь ды эйкакштнеде сёрмадозь русской ды омбо масторонь писательтнэнь произведениясь.

Библиотекарекс аравтозь М. Христофорова ялгась. Тонавтицятне покш мельсэ вастызь, библиотеканть панжоманзо ды сайнить тосто ловномс книгат.

Н. Никитин.


Дубенской район.

74

ШАХМАТНОЙ ТУРНИР

Мартонь 27-це чистэ Краснослободской педучилищасо придовсь шахматной турнир. Сонзэ эйсэ примасть участия училищань 9 педагогт. Васенце тарканть саизь Костин ды Андреев ялгатне.

Турнирань участниктнэнь мелест коряс ушодовсь омбоце тур.



Эйкакшонь Республиканской технической ды велень хозяйствань станциянь юннатось Женя Чикина кемекстазь 1941-не иестэ ВСХВ-со участникакс. СНИМКАСОНТЬ: Женя Чикина анокты дынянь видьмекст.

Фотось Б. Козловонь.

ЛИТЕРАТУРНОЙ ВЕЧЕР

Ст.-Девиченской средней школасо (Ельниковской район) неть читнестэ ютавтомель литературной вечер, кона ульнесь посвященной М. Ю. Лермонтовнень. Рузонь келень ды литературань коряс преподавателесь А. Ф. Клоков тейсь доклад великой русской поэтанть эрямодонзо ды творчествадонзо.

Докладонтъ мейле ульнест художественной выступления. 9-це классонь тонавтицясь Тося Щиколоткина ловнызе Лермонтовонь «Мцыри» поэманзо.

Интересной беседа

Мартонь 26-це чистэ Шугурова велень средней школань пионерской сборе тердезь белофинтнэнь каршо бойтнесэ участникесь младшей политрукось Т. И. Афанасьев ялгась, кона сась велев нурька шкань отпусков.

Афанасьев ялгась пионертаежнэнь ёвтнес минек якстереармеецтнэнь мужестводост, конань сын проявляли белофинтнэнь каршо бойтнесэ. В. Аношкин, Б.-Березниковской р-н.



Саранской 6-це № неполной средней школы тонавтичань ютксо вадрысто аравтозъ оборонно-физкультурной роботасъ.

СНИМКАСОНТЬ: физкультурникъ группасъ тейни вольной движений БГТО-нь комплексъ корясъ. Фотосъ Б. Козловъ.

Организовано ютавтомс гимнастической соревнованиенъ

Апрелень 6-це чистанъ ушодовить гимнастиканъ коряс комсомолетнень массовой гимнастической соревнованиенъ. Нетъ соревнованиенъ лездить сенень, штобу седеяк вадрысто аравтомс комсомолетнень ды од ломатнень военно-физкультурной воспитаниенъ.

Гимнастической соревнованиенде положениенъ опубликованиендо мейле ютэзъ шканть перть минек республикасонть организовазъ кавто тыщад ламо группат (десяток), сынст эйсэ 20 тыщад ламо комсомолец. Сех ламо группатнесэ регулярна эрсить тренировочной занятият.

Саранск ошсо лововить кавто сядо ламо гимнастической десятка, сынст эйсэ объединенной 2,5 тыща комсомолец. Атяшевской районсо организовазъ 110 группа-десятка, конатнес объединенной 1.200 комсомолец.

Заря комсомольской организациант соревнованиенень вадрысто анокетить Кочуровской, Ичалковской ды лия районсо. Тосо комсомолетнэ эстет строить спортивной од городокт, площадкат ды лият.

Лямбирской районсо (ВЛКСМ-нь райкомонь секретаресъ Шемет ялгасъ) весе комсомолетнень эйсэ ансяк 30 процентнэ объединенной командас, тренировка тейнить седеяк аламот.

Ардатовской, Ельниковской ды койкова лия районтнесэ те шкас яла а

содыть, зяро комсомолец ды од ломать кармить участвовать гимнастической соревнованиенсэ.

Гимнастической соревнованиенень анокетамонть коряс организационной эсь беспомощностест ВЛКСМ-нь кой-кона райкомтне толковить сенсэ, што арась спортивной площадкат ды залт.

ВЛКСМ-нь Ельниковской райкомонь секретаренъ заместителесъ Малоземов ялгасъ соревнованиенень анокетамонть беряньстэ молеманзо толкови сенсэ, што арась сынст тосо кодат бути физкультурной «прибор».

Спортивной площадканъ, залонъ, инвентаренъ аразычидень болтовниенъ эриви пүтомс пе. Пандя уш эрва кодамо «причинасо» оправдывать эсь неповоротливостень. Комсомольской эрва организациансэ может эстензэ теэмс физкультурной площадка, городок, может муемс спортивной инвентарыак.

ВЛКСМ-нь райкомтненъ ды первичной организациантненъ эриви добовамс сенъ, штобу гимнастической соревнованиенсэ примавольть участия весе комсомолетнэ, сетнеде башка, конатненъ ули врачонъ пельде заключенияст седе, што сынст нельзя заниматься физкультурасо.

А. ДРЯНЕВ,

ВЛКСМ-нь обкомсо военно-физкультурной отделенъ заведующей.

Занятияне ютнить эрва чокшне

Кокак ансяк ульнень получаъ массовой гимнастической соревнованиенде положениенъ марто газетатне, Ковылкинъ птицесовхозонъ комсомолетнэ сеск кармасть анокетамо соревнованиенень. Теде вопросъ аравтозель комсомольской собраниясо, организовазель группа. Командирэкс аравтозъ демобилизованной красноармеецэс Шмелев ялгасъ.

Комсомолетнень инициативаст коряс ульнень добовазъ спортивной инвентарь. Афоничкин ялгасъ мусъ кавто кольчат, нетъ кольчатнень ланга

стызъ кшнасэ ды кармасть тейнеме упражненият.

Теде башка комсомольской комитетэс вешсэ лескэ дирекциантъ пельде добовамс турник ды перекладина. Турник кармасть тееме эсест кузницасо, нетъ читнестэ ули анок.

Эрва чокшне группасъ пурнавкшны занятияс.

Эрва комсомолецэс бажи сенень, штобу сынст группасъ соревнованиенсэ саевлизе васень тарканть.

П. Саля.

„МЕЗЕЯК АРАСЬ, АНОКСТАМС А КОСО“...

Антоновка велень комсомолетнэ овси эзть анокета гимнастической соревнованиенень. Тень тосо толковить сенсэ, што «мезеяк арась, анокетамс а косо». Арась, келя, а физкультурной зал, а физкультурно-спортивной инвентарь.

Чарьковдеви, што весе те—аволь оп-

равдания. Эриволь бу ансяк кундаме тевс, муевель бу помещениак, косо можна улелель заниматься гимнастикасо. Комсомолетнэ сынсэ могли бу теэмс брусъят. Муевель бу кольчаткак.

И. Липатов.

Дубенской р-н.

Копылов тейни плант...

Вечксы сон те тевентъ: озамс ды сёрмалемс плант. Ансяк нетъ плантнэ сеетсэ кадновкшныть апак топавто. Веде теекшнесъ жо консервной комбинатонъ комсомольской организациантъ роботанъ план? Теекшнесъ. А комсомольской собраният колмо ковдо ламо шканъ перть арасельть? Арасельть. Секс комсомолетнэ натой дивазевсть, зяро мартонъ 29-це чистэ пурназель, окошники, собрания.

Консервной комбинатонъ комсомольской организациантъ роботасонзо улить зарья покш асатыкет, улить истят вопрос, конатненъ умок уш эриволь толковамс собраниясо. Секс, кода мартонъ 29-це чистэ кармасть кемекстамо собраниянъ чинь повесткантъ, комсомолетнэ подказывали, кодат бу вопрос еще аравтомс. Зарья ялгат мернест толковамс военно-физкультурной роботадо вопросонть, секс што тосо арась военно-физкультурной кодамоак робота. А веде план ульнесь. Ды кодамоель еще покшоль те планосъ!

Теекшнесъ Копылов ялгасъ план седе, кода анокетамс лыжной комсомольской кроссонтень. А кроссонтень комсомолетнэ лисеть апак анокета ды невтеть пек берянь результат.

Мартонъ 29-це чистэ комсомольской собраниясонть Копылов ялгантъ мельс ледтизъ, што курок ушодовить гимнастической соревнованият. Ды сон сеске жо мерсэ: «Мон озан ды карман тееме план тень коряс.» Зяро тензэ ёвтасть, што шкас кадось уш аламо, сон корты: «Тесэ веде аволь пек эриви анокетамо, те аволь лыжной кроссонт кондамо ули, седе шождыне»...

Те шкас гимнастической соревнованиенень анокетамо консервной комбинатонъ комсомолетнэ эзть карма. Копылов ялгасъ араси, што планто те тевентень а кода кундамс. Ды сон озасъ планонъ сёрмадомо. Истиво уш сонзэ роботанъ стилезъ. Тейнезъ плантнень ютксэ ваязъ, а сон содасынзе эсь

комсомолетнень. Теде корты котъ бу вана истиво пример: зяро бути роботасъ комбинатсонть комсомолка Мухина. Мартонъ 15-це чистэ жо сон тосо а роботы. А Копылов ялгасъ равна пельков эз сода теде. Ловсь яла эйсэнзэ эсь организациантъ членэкс. Ды зяро комсомольской собраниясонть кармась кевкстнеме, мекс эзъ са Мухина, тензэ ёвтасть ды сон натой дивазевсь.

Собраниясонть комсомолетнэ ды комсомолкатне видестъ кортасть седе, што Копылов ялгасъ а содасынзе сынст запросост, сынст нуждаст. Весткак сынст марто эзъ кортнекшне седе, кодат вопрос толковамс комсомольской собраниясо. Зяро ульнекшнест собраният, сынъ ютнить аволь интереснойстэ. Васняк, секс, што вопростне эрсильть апак анокета ды, омбоцекс, секс, што комсомолетнэ собраниядонть, чинь повесткадонть а содылть собраниянъ панжомазонзо.

Беряньстэ ашти тевесъ политобразованиянъ мартоак. Организовалъ текущей политиканъ кружок. Кортыть, што кружоконт ветиво аравтозель комсомольской комитетанъ членэс Копин ялгасъ. Сонсэ жо мерсэ: мон мезеяк теде а содан. Кружкоак а роботы. Копин ялгасъ корты, што те секс истя лисеть—эзинеке мые преподаватель. Те истя тосо, истиво организациасо, косо зарья комсомолец средней ды высшей образования мартот. Копылов ялгасъ паряк «разрабатывает» кружоконт роботанзо аравтоманъ план... Шкас яла моли, а комсомолетнэ ды комсомолкатне а тонатнить. Ковкак а маштови тевесъ «ВКП(б)-нь историйнэ краткой курсонть» тонавтнеманзо марто. Примеркс, Копин ялгасъ пачкодс ансяк 3-це главатень ды ютасъ иень ноябрь ковето саезъ сон кедезэнзэяк эесе сайне книгантъ. Копылов ялгасъ соды тедеяк, но сон, натъ, тень коряскак араси теэмс план.

Е. Пятаев.

КОЛМО ЧИТЬ ЯЛА ПУРНАСЪ СОБРАНИЯ

Беряньстэ роботы Пермизъ велесэ Калинин лемсэ колхозонъ комсомольской организациансэ. Комсомолетнэ а невтеть авангардной роль колхозной роботасо, тунда видемантень анокетамосонть малав кодамоак участия а примить.

Зяро комсомольской организацианъ секретарентъ Радайкина ялгантъ кевксизъ, мекс беряньстэ роботы комсомольской организациансэ, сон отвечающе: «Мон од роботникесъ, мезеяк а

содан». Ды эриви меремс, што мезеяк содамоак а бажи.

Аволь умок пурныксэль сон комсомольской собрания. Колмо чить ютавтс тень лангс. Комсомолетнэ молильть яла правленияв, учильть эсензэ Радайкинанъ эйсэ, сон жо а сыль. Секс собраниясэ эзъ ульне.

Ив. Семенов.

Б. Березниковской р-н.

Невтеть пример

Паракина велесэ малав весе комсомолетнэ роботыть колхозной производствасо. Сынъ тонавтизъ ВКП(б)-нь XVIII-це конференциянъ решениятненъ ды по-большевистски бородасть сынст тевс ютавомаст кис. Комсомолетнэ таргастъ лангс зарья асатыкет колхозной производствостонть. Примеркс, колхозонъ кой-кона кардазнэсэ вельхозинвентаресъ кирдесъ навоз потсо, учет кодамоак арасель. Истиво лавшосто ладязель трудонъ учетосъ бригадатнесэ. Кузницасонть пыльге алга кайсезельть

кшны петь ды уголь покольнеть.

Общеколхозной собраниясо, косо толковизъ партийной конференциянъ решениятненъ, комсомолетнэ эсь выступленияст критиковизъ нетъ асатыктнэнь кис чуотнень. Комсомольской организациансэ мобилизовинзе весе комсомолетнэнь ды од ломатнень производствасо ваньксчить кис бородамо.

Корольков,

комсомольской организацианъ секретарь.

Ковылкинской р-н.

Местъ энэ тейнить комсомолетнэ

Покш Маресева велень колхозной комсомольской организациансэ аволь вишкине. Сонзэ эйсэ ВЛКСМ-нь 15 член. Ды ансяк вете-кото ломанъ яснить сынст эйсэ колхозной роботас. Весе лиятне а роботыть.

Комсомолетнэ а лездить колхозонтень тунда видемантень анокетамосонть. Сынъ эзть яка паксав ловонъ кирдеме, эзть пурна местной удобрения, эзть усксэ паксав навоз.

Комсомолетнэнь эйсэ кой-конат прядеть неполной средней школа. Сынъ могли бу ютавтнемс аволь союзной од ломатнень ютксо газетанъ ловнома, ветьамс культурно-массовой робота.

Велесэнь улить зарья неграмотнойть ды малограмотнойть. Сынст тонавтомасонть кодамоак участия комсомолетнэ а примить.

Комсомольской организацианъ секретаресъ П. Кемайкин ялгасъ эзь машто мобилизовамс комсомолетнэнь эрва чинь активной роботас Сон натой комсомольской собранияткак а ютавтни. Собрания арасель малав цела иень перть. Эри сон сатьместа-паросто. Ды кияк эйсэнзэ а тревожи. Кияк, мезеяк пельдензэ а вешы.

В. Беляков.

Чамзинской р-н.

ШКОЛЬНОЙ ЭРЯМОСЬ

Сех вечкевикс предметэм

Нилеце классо рузонь келенть коряс тонавтинь беряньстэ. Весть авам карматным канверт лангс адресань сёрмадомо. Адресань ульнесь истямо: г. Калуга, Нагорная улица, 20.... Мон жо сонзэ сёрмадыя истя: горот Кулага, Наборная улица, 20....

Те канвертантень ёвкстыя сёрманть ды путыя сонзэ книгазон. Уроксо учительницасы варштасы монь книгантень ды неIZE адресанть. Пльведевкстань кис сон пек сёлнымым ды мерсь тень ловноманзо Чеховонь «Ванька Жуков» ёвнеманть.

Мон теиень истя, кода мерсь учительницасы. «Ванька Жуков» ёвнемасы мелезень пек тусь ды карматным кеместэ арсеме: «Но ведь Ванькань оно кодамо стака эрямозо ульнесь, а монь.... А лади тень истя тейнемс...»

Штобу улемс седе грамотнойкс, карминь сеетстэ ловномо художественной литература. Ловнын Л. Н. Толстоень ёвнеманзо айкаштинь туртов, Крыловонь баснязо ды лият. Внимательнойстэ следины, кода сёрмадовить башка предложениятне ды валтнэ. Приметинь ламо од валт, карминь седе ванькстэ руске кортамо.

Весть 5-це классо тонавнемстэ рузонь келенть учителесь максы сёрмадоме сочинения. Сочинениянь темасы ульнесь народной пословица: «Что посеешь, то и пожнешь». Косто ансяк тень эзь чачо вадра арсемат, пшти валт. Сочинениянь сёрмадыя отличнасто.

Художественной литературань ловномасы теевсь тень эрва чинь текекс. Апак ловно мик а матедевангак. Сех вечкевикс писателем—Пушкин. Сонзэ ловнын «Капитанская дочка», «Евгений Онегин», «Руслан и Людмила» ды лия книгатнень. Ловнан истяжо Гоголень, Некрасовонь, Щедринень ды лия классиктнень произведенияст.

Ней тонавтинь 7-це классо. Рузонь келенть ды литературанть коряс отметкам свал «отлична». Пек ламо роботан сочинениятнень сёрмадомаст лангс. Вана улко литературанть коряс максты тенок тема: «Образ революционера Павла Власова по произведению Горького «Мать». Штобу ушодомс сочинениянь сёрмадомо, ловнын «Мать» романонть, ловнын сонзэ коряс зярый критической статья. Сёрмадыя сочинениянь—мелезень эзь тусь, таго сёрмадыя,—таго эзь тусь... Весемезэ сёрмадыя ветекст. Ней мон парсте содан, што монь сочинениясь ули а берянь.

Умок уш карминь анокстамо тундонь испытаниятнень. Материалонть повтораем ялган марто вейсэ. Эрва правланть повторениядонзо мейле сёрмадтан 3—4 примерт. Вейкенек-вейкенек туртов макснетяно диктант.

Арсян, што тундонь испытаниятнень максынь отличнасто.

П. Борискина.

Саранск ошонь 11-це школа.

Интересной пионерской сбор

Неть читнестэ Чукало велень средней школань пионерской отрядсонть ютавтозель интересной сбор, косо ульнест малав 100 пионер ды тонавтинья.

Старшей пионервожатоеь З. Д. Зигина ялгасы теиь беседа Н. Островский писателенть эрямондонзо ды творчестводонзо. Беседасы ютасы живойстэ, жунолозь покш внимания марто.

Мейле ульнесь пионертнень художественной выступления, налксемат ды кишнемат. Хоровой кружокось морасы зярый морот, сынст ютксо: «Казачья песня», «Казачья дума о Сталине», «Сулико» ды лият.

Пионерской сборось ютасы интереснойстэ ды веселасто.

Ник. Базайкин.

Ардатовской район.

ЛИДА АНОКСТЫ ИСПЫТАНИЯТНЕНЕНЬ

Лида Макарова тонавтинь Ардатовской неполной средней школань 6-це классонть эйсэ. Школьной журналсо сонзэ фамилиянь каршо аштити 10 отличной ды 3 паре отметкат. Посредственной ды берянь отметкат сон а получакишы.

Ней Лида Макарова кармасы анок-

стамо тундонь испытаниятнень. Сон повторяет ютазь материалонть. Тейсь эстензэ план, конань коряс сон карми повторять весе ютазь материалонть. Лида бороци сень кис, штобу испытаниятнень максомс ансяк отлично.

Ив. Антонов.

Ардатовской р-н.

Повторяют ютазь материалонть

Шугурова велень средней школань зярый тонавтинь кармасы уш тундонь испытаниятнень анокстамо. Повторяют ютазь материалонть, примеркс, П. Захватов, А. Аношкин, С. Арикина ды лият.

Но улить истяткак, конат тонавтинь беряньстэ ды испытаниятненьгак а анокстыть. Вана сын: Коробова (7-це

класс), Ромашкин (6-це класс) ды лият.

Вестькак сын эзь варштакшно ютазь материалонть лангс. Овси а мелявтыть сень кис, штобу испытаниятнень анокстазь парсте усвоить весе ютазь материалонть ды зачетнень максомс вадра отметка марто.

Ф. Пивкин.

Б.-Березниковской р-н.



1-це № средней школасонть (Саранск ош) вадрасто роботы стенгазетань редколлегиясь, аккуратна полдтни газетанть.

СНИМКАСОНТЬ: редколлегиянь члентнэ Женя Королев ды Володя Смолин анокстыть стенгазетань очередной номер. Фотось Б. Козловонь.

Бути тон поэтат...*)

Истямо растянутость ули Пятаень ламо стихтнесэ. Лиасто пек досадно эрси, зярдо те поэтанть пек вадра лирической стихотвореният колавкишныть те кувакачисанть (примеркс, «Мон вечка сезиенс тантей удоманть»).

Истят жо недоработанной стихть вастневить А. Мартыновоньгак. Сонзэ ули пек вадра стих «Иниже». Но кодамо бу еще седеак вадракс сон улелель, бути бу тосо авольть уле кой-конат повторениятне. Тень Мартыновонь эрви учеть, зярдо сон карми те стихонть полдамо сборниксэ.

Мартыновдо кортазь, кодак а ютаван вейке фактонь вакса: допрок а чарькодеви, мекс сон вечки тейнеме а эрвикс повтореният. «Теле» стихсэнь, косо весемезэ 16 строчка, никельст ёвтазь «сад» валось. «Сёксня» стихсэ (12 строчка) ушодови: «Хлостая, поперды пиземе, почкодезь менелень ситасто», ды строфань ютазь таго ловнотано: «Пиземесь валы истя ламо почкодезь менелень ситасто». Зярдо тесэ лишной валт! Ведь «почкодезь», «ситасто», «валы», «ламо» валтнэ вейкеде кортыть, сынст можна полавтомс вейке валсо. Или вана еще пример: «Мон чиян паксыва» стихсэ улить истят строчкат: «Пургсеви пиземне пизем пельнестэ».

Неть стихтнесэ арась валонть лангс сатышка робота: сын сёрмадозь капшап. Кинень лиянень, но истямо зрелой поэтанть, кодамо Мартынов, непростительна тейнеме истят неряшливость.

Весе неть асатыктнэ—стихотворной ремеслань асатыкт. Минь, поэтнэ ды писательтне, ламо кортатано эсь роботанть требовательносте, но те требовательносте минек сеетстэ а эрси. Ды еще седеак берянь, зярдо кой-кит нервничают, зярдо истя кортат.

Ули меленек тешкстамс, што меельць шкасто минек журналтнесэ кармасы вастневеме ламо стихть «пецкинеде», «ловнаде», «нимилявнаде». Самай истямо «мотыльковой поэзиядо» аволь умок сёрмадсь минек «Правдасы».

Чарькодеви, што кияк киньгак а сайсынзе праванзо сёрмадомс нимилявдо. Но—кода, мезень туртов сёрмадомс,—вана мейсэ тевесэ. «Нимилявонь поэзиянь» сутезэ еще сенсэ, што ламо стихонь автортнэ беспечнойстэ, наивнойстэ ваньгыть те или лия теманть лангс. Сынст стихтнесэ арась мужественной, пек житейской, волнующей мысли. Нать поэтанть «гайгиця виезэ» сенсэ, што сон молчановской лейне ваксо чоледи судо пачинеде, конань сонензэ (поэтанть) казизе Марусязо? Кинень те эрви?

Поэзиясь—тевесэ покш ды серьезной. Сон формирует ломанень сознания, ломанентень максы коммунистической воспитания, воодушевляет весе виень максыз теес сень, мезе веши минек течинь чись, мезе веши вандын чись.

— Тень минь тондеть парсте содасынек. Подумаешь, тонавтыцасы муевсь! —кой-кит могут мереме. Но, ялгат, сестэ мереде кевкстеме: мекс появакш-



Саранск ошонь 3-це № школань тонавтиньтне Слава Борковский ды Вова Глебов юной техникень ды натуралистнень станциянь юнатонь лабораториясо паковать видьмекст, конат улить кучозь республикань школатнес пришкольной участкатнень туртов.

Фотось К. Свитинень.

Юнатнэ анокстыть тунда видемантень

Мордовиянь республиканской юной натуралистнень ды техниктнень станциясь аноксты опытной участкасо тунда видемантень. Малав 38 юнат, конатнеде ламот кемекстазь Всесоюзной велень хозяйствань выставкань участникекс, тейнить анализ видьмекстнень, ванкшныть сынст качества, проверить вежоместест.

Те местэ республикань юной натуралистнень ды техниктнень станциянь опытной участкасонть ды Мордовиянь пришкольной участкатнева васенцеде кармить улеми видеэ хлопка, рис, кок-сагыз.

П. Бобров.

Пурныть местной удобрения

Пакся Тавла велень неполной средней школань комсомольской организациясь комсомолецтнень-тонавтиньтнень эйстэ создал бригада местной удобрениянь пурнамонь коряс.

Бригадасы эрва чистэ яки куловонь пурнамо. Васень чистанть пурназь 6 улавт кулов.

Б. Платонов.

Кочкуровской р-н.

выть, примеркс, истят вана стихть:

«Касиль пекшень вирь куншкасо,

Тикше-люкшав полянасо

Незабудка пещине.

Панжюкшнызе эсь цветэнзэ

Прок од тейтерне сельмензэ,

Ульнесь мазый мазыйне».

Седе тов авторось ёвтни, кода незабудкась кассы, мазылгавтсь виренть, кода поэтэсь яксиль сонзэ лангс ваномо. Но вана лисэ беда:

«Ней арась сон вирь куншкасонть,

Тикше-люкшав полянасонть

Незабудкась-мазыйнесь.

Кие бути нать сезице,

Мештезэнзэ понгавтызе...

Те шкас коськсь нать пещинесь».

Кинень эрви те гимназисткань кольнемасы?

Ламо кортатано Маяковскойде, шпнатано сонзэ, кортатано сонзэ пельде тонавнемодо. Но тень коряс аламо тейдано тевсэ. Ведь самый Маяковский эрямонзо перть турсь альбомной «поэзиянь» каршо. Шка уш тень чарькодемс. «Коммуналь коряс онкстнемс стихонь сортнень»—вана кодамо поэтэкс эрви улемс.

Эрзянь поэтнэ (мон кортая алкуксонь поэтнэде, ды икелевгак Э. Пятайде ды Мартыновдо) уш аволь поэтической юношат. Весе минек масторонь ламонациональной литературасонть занясть почетной тарка. Секс чарькодевить ловныцатнень пельде сынст виде претензиятне.

С. Вечканов.

*) Пезэ. Ушодоксонзо вант ютасы №-стэ.



СНИМКАСОНТЬ: Ардаговской эйкакшонь кудонь воспитанникне лисеть ульцяв прогулкас.

Фотось И. Антоновонь.

ЗАМЕТКАТ ВАНЬКСЧИДЕ

Велень советсэнтъ ды сонзэ перька...

Всесоюзной партийной XVIII-це конференциясонть эсь докладсонзо Маленков ялгась мерсь, што «ваньксчись ашти неень шкань предприятиянь нормальной роботанзо сехте элементарной условияс... Эряви теэмс ды эрва чистэ вастомс предприятиянсь ды чугунакань китненень ваньксчинть ды элементарной порядоконть». Чарькодеви, што те указанияс касается советской учрежденияненьгак.

Но вана Покш Марсеева велень советэнь председателесь Ботков ялгась лиякс ари. Сонзэ койсэ, весе, мезе коротазель партийной XVIII-це конференциясонть—касается аняк промышленной предприятиянень ды чугунакань китненень. Сексак Ботков ялгась эсь арсеяк седе, штобу велень советэнь помещениясонть теэмс эрявикс порядок, ваньксчи. Велень советэнь кияксось рудазов. Стенатне вельязь пульсэ. Уголтнэсэ нюржить шанжавонь коцт. Кудыкельксэс пештиз торфео. Велень советэнь перька ёртнэсэ эрва кодамо мусор, кияксонь теневекс, тозонь жо валныть кияксонь шлямо ведь. Омбоце ёно аштити валазь кудовонь вете-кото купат.

Кодаяк а кемеве, што весе те мусоронть ютксо ашти велень советэнь помещения.

П. Букин.

Чамзинской р-н.

Кемень километрат сокссо

Шугурова велень Калинин лемсэ колхозонь допризывникне пек вечксыз лыжной спортонть. Сынь сеетсье лисить ютко шкасто сокссо кияксенеме. Эзть ойма лиятнень ладсо сень ланге, што примасть участия лыжной комсомольской кроссонть эйсэ. Зярс еще ули лов, сынь яксить ды кияксенить сокссо.

Нетъ читнестэ 20 допризывник соксо якасть походе 10 километрань тарка. 10 километратнень сехте куроксто ютызь Н. Пивкин, Н. Аношкин, С. Аношкин ялгатне.

Весе допризывникне максызь ГТО-нь значок ланге телень норматнень.

Ф. Степанов.

Б. Березниковской р-н.

Примадо участия туристической походысонтъ

Сень кие, штобу тонавнемс, кармаме содамо тундонть самонзо ды тень мейле тешкстае СССР-нь картантень, минек масторонь юной туристне 1941 иень апрелень 20-це чистэнь организовить вейке чинь поход—«Тундонть вастоманзо коряс». Те походысонтъ эряви примамс активной участия Мордовиянь весе школьникненьгак.

Вейке чинь походысонтъ роботанть эряви ветиамс истят вопроствань коряс:

1. Кодат ульнестъ осадкат: пиземе, канзёркс, лов, туман (весе чинть перть или шкань-шкань)?

2. Кона ёндо пуvasь те чистэнь вармась?

3. Кодамо ульнестъ чись: потмура (менелесь вельязь пельсэ) или маней? Кодат ульнестъ пельтне (рисовинк)?

4. Кодамо температурас тосо, козонь чись а токи (экше таркасо) валекс марто 9 часесто, чить 13 часесто ды чокшнэ 19 часесто?

Лейтнень, сёлтнень ды лия водоемтнень состоянияс

Лейтне: 1) Якить или арась леентъ трокс эентъ ланга? 2) Лейга эйтнень ютамось: эзь ушодово, аняк ушодовсь, уить меельсэ эйтъ? 3) Ведесь эзь карма кепетеме, пек кепетесь (виев чады) или уш прась?

Сёлтнэ ды эрыкетне: вельязь кемс эйсэ, кармасть соламо или овси менсь эентъ эйтэ?

Ловонть, китнень ды паксятнень состоянияс

1) Мейсэ якить китнева: нурдсо или крандзасо? Кодамо ловось: ашти паксасо, овси солась или аняк еще кармасть повямо солазь таркат? Паксасо модась: кельмезь, начко (мокшнас сювордазь моданть эйтэ чуди ведь), летьке или овси коське (кедьсэ памори)? Кодат роботат ушодовсь паксасо, эмеж-пиресэ, садсо?

Животной мирэсь: звертне, нармутне, насеко мойтне

1) Кодат нармутъ тынь вастыде мо-лемстэ, месь сынь тейнилть? Бути а

содасынк нармутнень лемензэ, сестэ сёрмадынк сонзэ приметнэнь: ояздо (или варакадо) седе покш или седе виш-кине. Кодамо тусозо (поназо), косо улить яркой пятнат, конат сеске жо сельмс каятыть? Кодамо формань ды зярошка пулозо? Косо ашти нармутнень ды кола яки?

2) Кодат дикой зверть неиде, месь тейнилть ды кодамо понаст?

3) Кодат насекомойт сехте сеетсье вастниде, месь сынь тейнилть (сёрма-дынк, кодат сынь)?

Месь тейнить нешке пиресэ мекшт-не?

Мезе тенк савсь сачоксо кундамс сёлтсто?

Растительной мирэсь: чувтнэ, кустарникне, тикшетне

1) Зяро пурныде те чистэнь эрва кодат пеця? Костинк сынет ды кучинк образецст. Бути пецятнеде уш-ламо, сестэ кучинк аняк сеть пецят-нень образецст, конатне те чистэнь вастневишнестъ сехте сеетсье.

2) Кодамо чувтсэ ды кустарникс лисеть лопат. Кочкадо, костядо ды кучодо таракетнень, лисезь лопатнень ды сех пек покш пургондакстнень образецт.

Весе минек вопроствань ланге ответ-нэнь кучинк те чистэнь ютавтозь по-ходонть живой описания ладсо. Эсь ёвтнемантень тейнеде зарисовкат ды фотоснимкат, конат девить тундонь характерной моментнэнь: эйтнень юта-мось, васень пецят, сокамось, нармут-не пиззет маласо, пиззесэст ды лият.

Донесениятнень кучинк те иень ап-релень 23-це чидентъ аволь седе мей-ле истямо адресанть коряс: Саранск, Грузинская, 23, ДЭТС.

Походысонтъ сводка ды «тундонть фрон-тонь» карта кармить улеме кучозь по-ходонть весе участникнень.

А. АСЕЕВ,

экскурсионной туристической стан-циянь деректор.



Миша Борисов тедиде прядсы Арда-товской педагогической училищанть. Сон сайсь обязательства выпускной испытаниятнень максомс аняк отлич-насто. Ней сон повторят ютазь мате-риалонть. Фотось И. Антоновонь.

Уледе юной туристэкс

Мон уш кавто иеть состою Саранской-сэ эйкакшонь экскурсионно-туристиче-ской станциясонть (ЦДЭТС). Те шканть перть мон карминь содамо сень, мезэ а содылинь икеле: археологиянь, геоло-гиянь, топографиянь ды лият.

Мон организовинь юной туристэнь кружок 14-це номер школасонть. Сень мезе мон получишь юной туристэнь центральной кружоксонть, ёвтиянь школь-ной кружоконь чдентнень.

Эйкакшт, тыньгак эсенк шко-ласо организовадо юной туристэнь кружокт. Уледе юной туристэкс!

Ю. ДУБОВОВ,

Саранск ошонь 14-це № школань тонавтниця.

Средиземной морясо английской стратегической базатне (СПРАВКА)

Мировой империалистической омбоне войнанть келейгадомань условиятнесэ Средиземной морянтъ значениязо яла седейк покшолгали. Военной действител-нень средиземноморской театрасонть ушодовсь виев бороцямс Англиянь ды Италиянь ютксо. Те бороцямосонть примакшны участия воздушной герман-ской корпусоськак, кона сась Италия-нень лездамо. Английской флотонть, кона пек седе покш итальянскоентъ коряс, тесэ улить военно-морской круп-ной базанзо, конатнень ролест ней пек кассэ.

Английской базатне, стратегической выгодной положенияс кувалт, господ-ствуют Средиземной морянтень сова-монть ды тосто лисеманть лангсо. Ист-ямо базакс аштити западсо—Гибрал-торось ды востоксо—Александриясь, Порт-Саидсэ, Кипрась ды Хайфась, конат прикрывают Суэцкой каналонтень подступнень. Средиземной морянтъ цен-тральной пельксэньзэ Англиянь ули аняк вейке базазо—Мальта островось.

Гибралтарось ашти малав 5 кило-метрань кувалмсо ды 1,2 километрань келесэ сэрей скала лангсо. Те скалась ульнестъ вейсэндявозь Пиренейской полуостровонть марто тейне перешей-касэ, конань пачк англичантне аволь умок чувсть канал. Истямо ладо ней Гибралтарось кармасть улеме воль покш островокс. Сонзэ гаванентень могут кельгемс зярыя военной суднат, натоу линкорткак. Тесэ улить судоремонтной верфть ды мода ало покш нефтехрани-

лишат. Скалантень 40—45 метрань сэрэ каразь складт боеприпасонь кир-демс. Гибралтарось виевстэ укрепленной ды морянт ёндо сон неприступной. Те крепостентъ кувалт английской военно-морской флотонть улить возмозженст-нэ контролироваме Средиземной морянтъ западной пельксэньзэ.

Мальта островось ашти аволь васоло Сицилийской проливентъ—Средиземной морянь сехте тейне тарканть эйтэ. Английской те колониянтъ общей пло-щадезэ (вейсэ Гоуцо ды Комино остров-тнень марто)—316 квадратной кило-метра, эйсэньзэ эриятнеде малав 260 тыща ломань. Мальта островонть во-енно-морской базась—Ла-Валеттась—пек паро естественной гавань, кона приспособленной английской флотонь покш соединениятнень аштеманть тур-тов. Авиаиянтъ касомазо ды се, што Сицилиясо, Южной Италиясо ды Ливий-ской побережьясонть улить итальян-ской базат,—алкинйгавтызь Мальтанть стратегической значениязо. Секс еще 1935 иень кизна, англо-итальянской отношениянень пштилгадоманть ку-валт, Ла-Валеттсэ линкортне ды крей-сертнэ ульнестъ сазь Александрияв. Яла теке Мальтась нейгак ашти опор-ной базакс подводной лодкатнень, военно-морской легкой вийтнень ды авиаиянтень, конат ней оперируют Средиземноморской бассейнанть цен-тральной пельксэньзэ.

Александриясь, кона ашти египетской побережьясонть, ловови английской фло-

тонь основной базатнень эйтэ вейкекс. Тесэ улить мода ало аэродромт ды ус-козь уголиянь, нефтань ды военной материалонь покш запаст.

Кипр островось умок уш ашти Анг-лиянтень важнейшей опорной пунктос Средиземной морянтъ восточной пельк-сэнэ. Меельсэ иетнень перть англи-чантне островонть тейсть военно-мор-ской виев база Никозиянь маласо; строясть зярыя аэродромт мода алов теезь ангара марто, тейсть портовой ды фортификационной сооруженият. Островонть главной портозо—Фамагус-тась. Кипранть коряс английской воен-но-морской ды воздушной вийтне ван-стыть Суэцкой каналонтень северной подступнень ды аштити покш угро-закс итальянской базатнень туртов Додеканез островонть.

Хайфа портось—палестинской побе-режьясонть английской базась—ашти Моссульской нефтепроводонь южной линиянтъ конечной пунктос. Моссуль-ской нефтепроводанть моли иранской нефтась. Тенсэ определяется Хайфанть прок крупнейшей топливной станци-анть особой значениязо, сон горючейсэ снабжает весе английской средиземно-морской флотонть ды весе английской авиационной базатнень.

Седе мейле, зярдэ кармасть воевамо Грецияськак, Англиясь получишь эсь распоряженияс истяжо греческой воен-но-морской базатнень, конатнень ули стратегической пек покш значенияс.

Ю. В.

Ответ. редакторсь А. ЩЕГЛОВ.